

**Uunga siunnersuut: Akileraaruserinermik ingerlatsineq pillugu Inatsisartut inatsisaata
allanngortinneqarneranik Inatsisartut inatsisaat**

Aningaasaqarnermut Nunamullu Namminermut Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneernejarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Napaattooq, Naleraq, siulittaasoq
Inatsisartunut ilaasortaq Erik Jensen, Siumut, siulittaasup tullia
Inatsisartunut ilaasortaq Agathe Fontain, Inuit Ataqtigiiit
Inatsisartunut ilaasortaq Hans Aronsen, Inuit Ataqtigiiit
Inatsisartunut ilaasortaq Jens-Frederik Nielsen, Demokraatit
Inatsisartunut ilaasortaq Vivian Motzfeldt, Siumut
Inatsisartunut ilaasortaq Aqqalu Jeremiassen, Atassut

UKA2021-mi ulloq 7. oktober siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Akileraaruserinermik ingerlatsineq pillugu Inatsisartut inatsisaata nr. 11, 2. november 2006-imeersup, kingullermik Inatsisartut inatsisaatigut nr. 38, 28. november 2019-imeersukkut allanngortinneqartup, inatsisissatut siunnersuutikkut matumuunakkut allanngortinneqarnissaa Naalakkersuisut kissaatigaat.

Taassani meeqqanut katissimallugulu aapparisamut akiliutinik il.il. aalajangersaanissamut atugassanik aningaasaqarnikkut paasissutissanik naalagaaffimmi oqartussaasunut ingerlatitseqqittarneq pillugu maleruagassat allanngortinneqarput. Tamatuma saniatigut iluanaarniutigalugu akileraarutikinnerusunut nuussisarnermik aaqquissuussinerit akiorneqarnissaannut Kalaallit Nunaat peqataasinnaaqquullugu killeqarfiit akimorlugit aaqquissuussinerit pillugit paasissutissanik immikkut siunnersortit (ass. eqqartuussissuserisut

kukkunersiuisullu) nalunaarutiginninnissamut pisussaaffilerneqarsinnaanerannut maleruagassanik aalajangersaanissamut tunngavissinissaq Naalackersuisunit siunnersuutigineqarpoq. Tamatuma saniatigut akiliisitsissutissat annertussusissaat siunnersuutigineqarpoq.

Aammalu akileraaruseriffiup paasissutissanik nunani allani oqartussaasunut ingerlatitseqqillunilu taakkunanga paasissutissanik pissarsisinnaaneranut maleruagassat erseqqissarneqarnissaat Naalackersuisut kissaatigaat, tamatumani minnerunngitsumik Hvidvaskningssekretariatimit paasissutissanik pissarsisoqarsinnaaqqullugu. Kiisalu UKA2021/17-imut tunngatillugu inatsimmi aalajangersakkanik malitsitit iluarsiisuteqarnissaq Naalackersuisut kissaatigaat.

Siunnersuutip Inatsisartunit siullermeerneqarnera

Siunnersuutip matumani pineqartup kalaallisuuata danskisuuatalu akornanni imminnut naapertuutinnigitsut amerlanerat siullermeerinninnermi uparuarneqarpoq. Tamatuma saniatigut inatsisissatut siunnersuutip aalajangersagai assigiinngitsut oqallisigineqarput. Tamatumalu saniatigut siunnersuutip imarisai partiinit tapersorsorneqarluarput.

Tusarniaanermut akissutit

Tusarniaanermut akissutit inatsisissatut siunnersuummut ilanngunneqarput, tamannalu Inatsisartut Siulittaasoqarfiata ilusiliinermut piumasaqaataanut naapertuuppoq. Inatsisissatut siunnersuut ukununga tusarniaassutigineqarsimasoq Naalackersuisut inatsisissatut siunnersuummut nalinginnaasumik nassuiaatini paasissutissiisutigaat:

Naalackersuisut Siulittaasuata Naalackersuisoqarfia; Ineqarnermut, Attaveqaqatigiinnermut Naligiissitaanermullu Naalackersuisoqarfik; Aatsitassanut Naalackersuisoqarfik, Ilinniartitaanermut, Kulturimut, Timersornermut Ilageeqarnermullu Naalackersuisoqarfik; Aalisarnermut Pinarnermullu Naalackersuisoqarfik; Nunalerinnermut, Imminut Pilersornermut, Nukissiuuteqarnermut Avatangiisinullu Naalackersuisoqarfik; Peqqissutsimut Naalackersuisoqarfik; Isumaginninnermut Suliffeqarnermullu Naalackersuisoqarfik; Meeqqanut, Inuusuttunut, Ilaqutariinnut Inatsisillu atuutsinneqarnerannut Naalackersuisoqarfik; Inuusutissarsiornermut, Niuernermut, Nunanut allanut Silaannaallu pissusaata allangoriartorneranut Naalackersuisoqarfik; Avannaata Kommunua, Kommuneqarfik Sermersooq, Kommune Qeqertalik, Qeqqata Kommunua, Kommune Kujalleq, Grønlandske Advokater, Deloitte, Grønlands Revisionskontor, BK Revision, EY Grønland, BDO, SIK, Grønlands Erhverv (GE), NUSUKA, GrønlandsBanken aamma BankNordik.

Tusarniaanermut akissutinit tiguneqartunit Sulisitsisut kisimik oqaaseqaateqarsimasut Naalackersuisunit paasissutissiisutigineqarpoq.

Ataatsimiititaliap siunnersuummik suliarinninnera

Inatsisissatut siunnersuutip matuma kalaallisuuata oqaasertaligaanerata pitsaasuunissaata qulakkeerneqarsimannginnera ataatsimiititaliap pingaarnertut uparuarumavaa. Tamatumani siunnersuutip kalaallisoortaata danskisuuatalu akornanni naapertuutinngitsut arlaliusimallutik. Taamaattumillu naapertuutinngitsunut taakkununga iluarsisumik Naalackersuisut allannguutissatut siunnersuummik saqqummiussinerat ataatsimiititaliamit iluarisimaarneqarpoq.

Tamatuma saniatigut UKA2021/17 naapertorlugu akileraarutinit akiliutaagallartut pillugit iluarsinerit UKA2021/17 aatsaat akuerineqassappat piviusunnngortinneqassammata ataatsimiititaliamit oqaatigineqassaaq. UKA2021/17 akuerineqanngippat inatsisissatut siunnersuutip matumani pineqartup pingajussaaneerneqarnissaanut Naalackersuisut allannguutissatut siunnersuuteqarnissaat ataatsimiititaliamit naatsorsuutigineqarpoq.

Aningaasaqarnermut tunngasumik oqaaseqaatit matuma kinguliani nalunaarneqartut saniatigut siunnersuutip immikkoortuinut allanut ataatsimiititaliaq oqaaseqaatissaqanngilaq.

Siunnersuutip aningaasaqarnikkut kingunerisassai

Siunnersuutip piviusunnngortinneqarnerani aningaasatigut kingunerisassat siunnersuummut nalinginnaasumik nassuiaatini allaaserineqarput. Pisortanut aningaasaqarnikkut kingunerisassat pillugit ima allassimasoqarpoq:

1. Isertitat pillugit paasissutissanik ingerlatitseqqittarneq pillugu siunnersuummi aalajangersakkat akileraaruseriffiup killilimmik aningaasartuuteqarneruneranik nassataqassapput, taakkuli maanna aningaasaliissutaareersut iluini akilerneqarsinnaapput.
2. Siunnersuisut nalunaaruteqarnissaanut maleruagassanik aalajangersaanissamut piginnaatitsissuteqarnermi aningaasartuutit missingeruminaapput aammalu siunnersuutip ilaata tamatuma pisortat aningaasaqarnerannut kingunerisassaasa naatsorsornissaanut periarfissaqanngilaq. Tamatuma Naalackersuisunit qanimut malinnaavigineqarnissaa ataatsimiititaliamit naatsorsuutigineqarpoq.
3. Suliassap allaffissornikkut teknikikkullu ingerlanneqarnera 0,5 mio. kr.-inik aningaasartuuteqarnerussutaassasoq naatsorsuutigineqarpoq. Taamali missingiineq assut nalorninartoqartoq Naalackersuisut inatsisissatut siunnersuummut nalinginnaasumik nassuiaatini allapput. Aningaasartuutit qanimut malinnaavigineqartariaqartut Aningaasaqarnermut Ataatsimiititaliamit Naalackersuisunut eqqumaffigeqquneqassaaq.
4. Periutsip ingerlanneqarnissaanut aserfallatsaalineqarnissaanullu, nakkutilliinissamut, ilitersuinissamut, annaasaqaataasinnaasunik naliliinissamut, sulianut misiliissutinut aammalu periusissaq pillugu OECD-mut nassuiaatinik suliaqarnermut ukioq naallugu

sulinerup ¼-anik akeqassasoq naatsorsuutigineqarpoq. Tamanna 200.000 koruuninut Naalakkersuisunit aalajangersarneqarpoq. Taamatulli missingiineq assut nalorninartoqartoq Naalakkersuisut inatsisissatut siunnersuummut nalinginnaasumik nassuiaatini allapput. Tamatuma qanimut malinnaavigineqartariaqarnera Aningaasaqarnermut Ataatsimiititaliap Naalakkersuisunut eqqumaffigeqqussavaa.

5. Allaffissornermut aningaasartuutit Akileraartarnermut Aqutsisoqarfimmut aningaasaliissutit iluini akilerneqarsinnaasut naatsorsuutigineqarpoq.

Innuttaasunut inuussutissarsiortunullu aningaasaqarnikkut kingunerisassat allat pillugit Naalakkersuisut nassuiaataat Aningaasaqarnermut Ataatsimiititaliamit tusaatissatut tiguneqarput, taakkulu allanik oqaaseqaatissaqarfigineqanngillat.

Ataatsimiititaliap inassuteqaatai

Naalakkersuisunit allannguutissatut siunnersuutigineqartut ilanngullugit siunnersuut akuerineqassasoq **ataatsimiititaliap isumaqatigiittup** inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

Jens Napaattooq
Siulittaasoq

Erik Jensen
Siulittaasup tullia

Agathe Fontain

Vivian Motzfeldt

Hans Aronsen

Jens-Frederik Nielsen

Aqqalu Jeremiassen